

## К ОПУБЛИКОВАНИЮ

### КОМИ РЕСПУБЛИКАЛӨН ОЛАНПАС

#### «Коми Республикалөн Каналан Сöветса депутатлөн статус йылысь» Коми Республикаса Оланпасö вежсьöмьяс пыртöм йылысь

Примитöма Коми Республикаса  
Каналан Сöветөн

2022 вося рака тöлысь 24 лунö

**1 статья.** Пыртны «Коми Республикалөн Каналан Сöветса депутатлөн статус йылысь» Коми Республикаса Оланпасö (Коми Республикаса канму власьт органьяслөн индöд-тшöктöмьяс, 2007, 4 №, 4770 ст.; 7 №, 4911 ст.; 2008, 5 №, 205 ст.; 9 №, 426 ст.; 2009, 11 №, 171 ст.; 20 №, 351 ст.; 2011, 5 №, 87 ст.; 14 №, 346 ст.; 23 №, 606 ст.; 2012, 7 №, 172 ст.; 31 №, 694 ст.; 63 №, 1549 ст.; 2013, 5 №, 101 ст.; 17 №, 337 ст.; 2014, 33 №, 678 ст.; 2015, 8 №, 89 ст.; 12 №, 153 ст.; 21 №, 271 ст.; 22 №, 303 ст.; 307 ст.; 26 №, 365 ст.; 2016, 4 №, 57 ст.; 2017, 8 №, 127 ст.; 9 №, 141 ст.; 152 ст.; 2018, 4 №, 66 ст.; 6 №, 98 ст.; 18 №, 319 ст.; 19 №, 353 ст.; 2020, 10 №, 137 ст.; 18 №, 289 ст.; 22 №, 364 ст.; 2021, 10 №, 203 ст.; 20 №, 362 ст.; 2022, 4 №, 29 ст.) татшöм вежсьöмьяс:

1. 5 статьяö содтыны татшöм сюрöса 4<sup>2</sup> юкөн:

«4<sup>2</sup>. Уджсикас подув вылын пыр депутатскöй удж збыльмöдан местаөн лоö республика тöдчанлуна Сыктывкар сы ув мутасөн. Уджсикас подув вылын пыр уджалысь депутат вермö збыльмöдны депутатскöй уджмогьяссö депутатскöй удж збыльмöдан индöм местаысь бокын сöмын сэк, кор сийöс ыстöны служебнöй командировкаö.

Уджсикас подув вылын пыр уджалысь депутат кутчысьö Коми Республикаса Каналан Сöветын уджалан пöрадоккöд йитчöм положениеясö, мый вынсьöдсьö Коми Республикаса Каналан Сöветлөн Президиумөн.»

2. 31 статьяö содтыны татшöм сюрöса 2<sup>1</sup> юкөн:

«2<sup>1</sup>. Сэк, кор уджсикас подув вылын пыр уджалысь депутат пыр оз збыльмöд депутатскöй удж збыльмöдан условиеяссö, кутшöмьясöс урчитöма тайö Оланпаслөн 5 статьяса 4<sup>2</sup> юкөнөн, Каналан Сöвет пöрадокын, мый урчитöма Каналан Сöветлөн уджаланартөн, вермö примитны помшуöм сы йылысь, мый:

1) сетöма депутатөн уджсикас подув вылын пыр уджалысь депутатскöй удж збыльмöдан условиеяссö торкавны позьтöмлун йылысь öлөдöмсö та йылысь йöзöс юöртан средствоясын юöртöмөн;

2) примитöма материальнöя тöдчан мераяс – премияяс да (либö) мукöд ошкан мынтöм мынтытöм, кутшöмьясöс урчитöма тайö Оланпаслөн 28 статьяса 2 юкөнөн.»

**2 статья.** Тайӧ Оланпасыс вынсялӧ сійӧс официальнойӧ йӧзӧдӧмсянь дас лун кольӧм бӧрын.

Коми Республикаса Юралысь

В.В. Уйба

Сыктывкар  
2022 вося рака тӧлысь 31 лун  
19-РЗ №